

Sosiála- ja dearvvašvuohtaministeriija ášahus**boazoolbmuid sadjásašveahki eanemusmearis jagi 2023 addojuvvon sosiála- ja dearvvašvuohtaministeriija ášahusa rievdadeamis**

Sosiála- ja dearvvašvuohtaministeriija mearrádusa mielde
rievdaduvvo boazoolbmuid sadjásašveahki eanemusmearri jagi 2023 addojuvvon sosiála- ja dearvvašvuohtaministeriija ášahusa (1237/2022) 1 § čuovvovaččat:

1 §

Sadjásašveahki eanemusmearri

Boazoolbmuid sadjásašveahkis addojuvvon lága (1238/2014) 1 § 1 momeanttas dárkkuhuvvon sadjásašveahki eanemusmearri jagi 2023 lea 175 diimmu boazoolbmo nammii.

Dát ášahus bohtá vuoibmái skábmamánu 6 beaivve 2023 rájes ja lea vuoimmis gitta juovlamánu 31 beaivve 2023 rádjái.

Guoskadettiin dán ášahusa sadjásašveahki 175 diimmu eanemusmearrái, de rehkenastojuvvojit maid boazoolbmo jagi 2023 áigge ovdal dán ášahusa vuoibmáibohtima geavahan sadjásašveahkkediimmut, maid dagahan golut leat buhtejuvvon.

Dasa lassin sadjásašveahki 175 diimmu eanemusmearrái sáhttet rehkenastojuvvot sadjásašveahkkerievtti ohcan boazoolbmo jagi 2023 áigge ovdal dán ášahusa vuoibmáibohtima geavahan sadjásašveahkkediimmut, main šaddan golut eai leat vel buhtejuvvon. Dáid sadjásašveahkkediimmuin šaddan goluid buhtadus sáhtá ohcojuvvet boazoolbmuid sadjásašveahkis addojuvvon lága 10 §:s dárkkuhuvvon ohcanáiggi nohkama maŋŋel, juos ohcanáigi ii leat duohtaáššis vejolaš doahttaluvvot. Buhtadusohcamuš ferte goitge dahkkojuvvet maŋemusat juovlamánu 31 beaivve 2023.

Helssegis 6.11.2023

Sosiáladorvoministtar Sanni Grahn-Laasonen

Ráđdehusčalli Anne Vänskä